



**№3 Алға қазақ орта мектебінің №4 мектепалды сынып  
 ата – аналармен жүргізілетін жұмыс жоспар  
 2024-2025 оқу жылы**

| Мерзімі          | Тақырыбы                                                                                                                                                                                                                  | Өткізілу формасы                                                                           | Жауаптылар                                                             |
|------------------|---------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------|------------------------------------------------------------------------|
| <b>Қыркүйек</b>  | 1.«Сіздің балаңыз мектепке келді». «Жаңа оқу жылының міндеттері мен мақсаттары»<br>2. «Ата-ана мен мектептің бірлестігі».<br>3. Ата-аналармен келісім-шарт жасау.<br>4. «Кітап – менің қазынам»<br>5. Тіл ақылдың өлшемі» | Ата-аналар жиналысы<br>Келісім шартқа отыру<br>Кітап акциясын ұйымдастыру<br>Тәрбие сағаты | Тәрбиеші<br><br>Ата-аналар<br><br>Тәрбиеші                             |
| <b>Қазан</b>     | 1.«Алтын күз» күз мерекесіне дайындық жұмыстары және көрме бұрышын даярлау<br><br>2. «Еңбегі адал жас өрен»<br><br>3.«25- қазан Республика күні»                                                                          | Дайындық жұмыстары<br><br>Құстарға қамқорлық, ұя жасап ілу.<br><br>Тәрбие сағат            | Ата-аналар<br><br>Ата-аналар, оқушылар бірлескен жұмыс<br><br>Тәрбиеші |
| <b>Қараша</b>    | 1.« Ұлттық ойын - ұлт қазынасы».<br>2.«Тұмаудың алдын алу» кеңес                                                                                                                                                          | Денсаулық күні<br><br>Кеңес                                                                | Тәрбиеші<br><br>Медбике                                                |
| <b>Желтоқсан</b> | 1.Ата-аналармен - танымдылық жолындағы тренинг: «Біз бір-бірімізді түсінеміз бе?»<br>2. Баяндама «Ұлттық салт-дәстүрді мәдениетпен өнерді насихаттау – тәрбиенің төресі»<br>3. Тәуелсіздік күніне<br>4.Жаңа жыл           | Ата-аналар жиналысы<br><br>Тәрбие сағаты.<br>Ертеңгілік                                    | Ата-аналар , тәрбиеші                                                  |
| <b>Қаңтар</b>    | 1.Ата-аналармен ойын алаңында қардан мүсіндер жасау (фото есеп)<br>2.«Кітаппен жарқын әлемге» (жергілікті балалар жазушыларымен кездесу)                                                                                  | Ата -анамен бірлескен жұмыс.<br><br>Кітапханашы апайлармен кездесу.                        | Тәрбиеші                                                               |

|               |                                                                                                                                                                                                                                       |                                                                                                                              |                                                                        |
|---------------|---------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------|------------------------------------------------------------------------|
| <b>Ақпан</b>  | «Бала мінезінде кездесетін олқылықтар»<br>психологиялық тренинг<br><br>«Өнерліміз, өркенбіз»                                                                                                                                          | Психологиялық<br>тренинг<br><br>тәрбиеленушілер<br>мен олардың ата-<br>аналарының<br>арасында қол<br>бұйымдарының<br>көрмесі | Психолог, тәрбиеші                                                     |
| <b>Наурыз</b> | 1. «Ізгіліктің бір ізі – алғыс»<br>(тәрбиеленушілердің, олардың ата-<br>аналарының және педагогтердің қатысуымен)<br>2. Баяндама : «Тәрбие отбасынан басталады»<br>3. «Аналар-асыл қазынам!» ертеңгілік<br><br>4.«Наурыз – жыл басы!» | Челлендж<br>Аналарға арналған<br><br>Ертеңгілік<br><br>Тәрбие сағаты                                                         | Ата-аналар,<br>тәрбиеші<br><br>Тәрбиеші<br><br>Ата-аналар,<br>тәрбиеші |
| <b>Сәуір</b>  | «Достығымыз жарасқан»<br><br>«Гүлді қиял»акциясы.                                                                                                                                                                                     | Балалар суретінің<br>көрмесі<br>Гүлшөк пен бауды<br>бірлесіп отырғызу<br>шаралары                                            | Тәрбиешілер<br><br>Тәрбиеші,<br>ата-аналар                             |
| <b>Мамыр</b>  | 1. «Баланың даму деңгейі қалай?»<br>2. «Мен азат елдің ұланымын»                                                                                                                                                                      | Сауалнама<br>Тәрбие сағаты<br>Ата-аналар<br>жиналысы                                                                         | Тәрбиешілер                                                            |

Тәрбиеші: Қалилина.Э.О..







Күз



байлықтары





## **БАЯНДАМА**

**Тақырыбы:** *«Ұлттық салт-дәстүрді мәдениетпен  
өнерді  
насихаттау – тәрбиенің төресі»*

**Дайындаған: Қалилина Э.О.**

**«Адамға ең бірінші білім емес, тәрбие берілуі керек,  
тәрбиесіз берілген білім адамзаттың қас жауы»  
Әбу Насыр Әл-Фараби**

Тәрбиенің негізі отбасында қалыптасады дегенмен мұнан кейін балабақшаның да ролі зор. Ұлттық тәрбиеден салт – дәстүр ауыз әдебиетінен нәр алып өскен ұрпақ қай кезде де аталар аманатына адал боларына кәміл сенеміз. Ұлттық салт-дәстүрді мәдениетпен өнерді насихаттау – тәрбиенің төресі.

Бала көкпар, бәйге, қыз куу, теңге алу, аударыспақ т.б ойындарымыз арқылы қазақи қайнардан тәлім алса ұлттық құндылықтарды бойына сіңіріп өседі. Балабақшадағы сәбилерге жоғары деңгейдегі ұлттық сана сезімді, рухани мұраларға және ұлттық мәдениетке деген құндылықтарды, отансүйгіштік, ұлттық намыс сезімдерін қалыптастырады. Балабақшадағы ұлттық тәрбие берудің мақсаты: Ұлтжандыққа отансүйгіштікке, тарихын, мәдениетін, салт-дәстүрін терең меңгеруге, ана тілін қадірлеуге үйрету. Балабақшадағы ұлттық тәрбиенің міндеті ата бабамыз қолданған үрдіс пен бүгінгі жаймен саралап, халықтық педагогиканың асыл мұралары негізінде саналы тәрбие беруді қиыстыру.

Балабақшадағы ұлттық тәрбиенің өзектілігі тәрбиеленуші сәбилерді рухани ізгі қасиеттерге баулып, тәрбиенің көздері ана тілі мен әдебиетін, тарихы мен өнерін қастерлеуге халықтың салт – дәстүрлерін аялай білуге ұлттық құндылықтарымызды дәріптеу болып табылады. Сәбилердің жас ерекшелігін ескере отырып елін жерін қорғауда атадан балаға мирас болып қалған тарихын салт-дәстүрін, ана тілін қастерлеу, үлкенге – құрмет кішіге ізет көрсетуін мұра етіп, тәуелсіз еліміздің парасатты адамгершілігі биік білімді азаматтарын тәрбиелеуде адами қасиеттерді қамтып білімді ұлттық қасиетті түсінетін тұлға тәрбиелеу. Қайырымдылықты – халықтан, пайымдылықты – қариядан үйрен деген ұлтымыздың тал бесіктен жер бесікке дейінгі екі аралықтағы өмірінің мәні боларлық адами қасиеттермен әдет ғұрыпты оқу қызметін ұйымдастыруда үйреніп, алдағы өмірлерінде арқау болатынын ұғындыру. Бүгінгі ғаламдану процесінде ұлттық құндылықтарды сақтау мен өзінің бет-бейнесін, ізгі дәстүрлерін сақтау жолындағы күрес ұлттық сананы сақтау күресі екенін түсіну. Ұлттық тәрбие деп жеке тұлғаның ұлттық сана сезімі мен мінез-құлқының ана тілін, ата тарихын, төл мәдениетін және ұлттық салт-дәстүрлерді меңгеруі негізінде қалыптасуын айтамыз. Серғазы Қалиев этнопедагог, профессор: – Ұлттық тәрбиені балабақшадан бастауымыз керек. «Не ексең, соның орасын» демекші, балаларымызды қандай жолға бастасак, олардың сол бағытты алатыны белгілі. Ал біздің ата-бабаларымыздан қалған асыл мұрамыз – тәрбиеміз қазақтан басқа ешкімде жоқ үлгі. Жеке тұлғаны ұлттық тәрбие арқылы дамыта отырып, нақты әрекет арқылы оқытуда төмендегі құндылықтардың болуы қажет: – белсенді қарым-қатынас: баламен тәрбиешінің әрбір мәселеде өз көзқарастарын білдіріп отыруы; – индивидтік: тәрбиешінің әр жеке баланың ерекшелігін дамытуы, қоғам алдындағы жауапкершілігінің болуы; – өзіндік

дәртті: өзіндік бақылау мен бағалауды, шешім қабылдауды үйрену және оны дамыту; – шыдамдылық: әр түрлі пікірлерді қабылдай алу, бір-бірінің пікірлері мен ерекшеліктерін құрметтеу, қабылдау.

Бала тұлғасына ұлттық тәрбиені беруде, ұйымдастырылған оқу қызметінің мәні неде? 1.Бала тұлғасына ұлттық тәрбиені ұйымдастырылған оқу қызметі– адамның қалыптасуы, тұлғаның өз мәдениетінің субъектісі болуына көмектесу, шығармашылық өмірге үйрету. 2.Бала тұлғасына ұлттық тәрбиені ұйымдастырылған оқу қызметі сырттан келетін тәрбиелеу емес, адам бойынан адамдықты табу,оны қолдау және дамыту негізінде өзін-өзі реттеуге, тәрбиелеуге әкеледі. Сол арқылы өзіндік болмысы, санасы бар тұлғалық бейне қалыптасады. 3.Бала тұлғасына ұлттық тәрбиені ұйымдастырылған оқу қызметі– адамның дене және рухани денсаулығы, адамгершілігі, бостандығы. Ол – тұлғаны түсіну,өзара түсіністік, ынтымақтастық қарым-қатынастың, салауатты өмір мен парасаттылықтың, өзіндік қатынастың негізін қалау. 4.Бала тұлғасына ұлттық тәрбиені ұйымдастырылған оқу қызметі тұлғаның қажеттіліктерін қанағаттандыруға бағытталады.Сондықтан оның мазмұны баланың өзін тұлға ретінде дамыту үшін, өз өмірінің субъектісі болу үшін жағдай туғызуға негізделеді..

Біз өзіміз, яғни тәрбиешілер қауымы қазақ халқының ұлттық салт –дәстүрін толық білеміз бе? Осы төңіректе біз ойланып көрейікші. Халқымыздың әдет ғұрыпын, салт-дәстүрін, ата-ана, тәрбиеші өзі толық білмей тұрып, балаларға ұлттық тәрбие беруі мүмкін емес. Қай заманда болсын, ұлттық өрлеудің халықтық қалыптасудың ең негізгі шарты –білім. Ұлттық тәрбиенің өрісі мен өресі –бүгін де, ертең де, халық үшін көкейтесті мәселе .Ұлттық мәдениет болмаса ұлт сақталмайды. Ал балабақша ұлттың да, ұлттық мәдениеттің де, өмір сүруімен дамуының алғашқы баспалдағы болып саналады.

Жаңа кезеңдегі білім берудің өзекті мәселесі жас ұрпаққа-адамгершілік-рухани тәрбие беру. Құнды қасиеттерге ие болу, рухани бай адамды қалыптастыру оның туған кезінен басталуы керек. Халықта «Ағаш түзу өсу үшін оған көшет кезінде көмектесуге болады, ал үлкен ағаш болғанда оны түзете алмайсың» деп бекер айтылмаған. Сондықтан баланың бойына жастайынан ізгілік, мейірімділік, қайырымдылық, яғни адамгершілік құнды қасиеттерді сіңіріп, өз-өзіне сенімділікті тәрбиелеуде отбасы мен тәрбиешілер шешуші роль атқарады. Сондықтан да қазіргі кезде халқымыздың ұрпақтан ұрпаққа жалғасып келе жатқан салт дәстүрі мен әдет ғұрыптарын қымбат қазына ретінде бағалап балабақшадағы тәрбие жұмысын кешенді ұйымдастыру жағына көңіл бөлуіміз қажет. Адам баласы дүниеге келген күннен бастап үнемі салт-дәстүр аясында өседі . Бала тәрбиесінде халықтық, тұрмыстық салт-дәстүрдің туу себептерін, даму ерекшеліктерін ашып көрсетудің тәрбиелік мәні зор. Мектепке дейінгі мекемелерде балалардың жас ерекшеліктеріне сай ата –баба дәстүрі мен халықтық педагогиканы басшылыққа алып, тәрбие жұмысын ғылыми негізде ұйымдастырып, ұтымды жүргізе білуіміз қажет.









